

HUDYAT NG DAGAT

PARA SA PAGBABAGO



Produced by



Coastal Resource Management Project


5/F CIFC Towers, J. Luna cor. J.L. Briones Ave.
North Reclamation Area, Cebu City 6000 Philippines
Tels. (032) 232-1821 to 22, 412-0487 to 89, 412-0645
Fax: (032) 232-1825 Hotline: 1-800-1888-1823
E-mail: crmp@oneocean.org or crmhot@mozcom.com
Website: <http://www.oneocean.org>

This publication was made possible through support provided by the United States Agency for International Development (USAID) under the terms and conditions of the Contract No. AID-492-C-00-96-00028-00. The opinions expressed herein are those of the authors and do not necessarily reflect the views of the USAID. This publication may be reproduced or quoted in other applications as long as proper reference is made to the source.



SA LAOT, SAKAY NG ISANG MALIT NA BANGKA SINA CRISPIN AT ANG KANYANG AMANG SI MANG CRESPO. PAGOD AT MUKHANG BALISA.

MAG-UUMAGA NA, WALA PA TAYONG HULI.



'TAY BA'T HO HINDI TAYO GUMAMIT NG DINAMITA O DI KAYA LASON? TIYAK KA HIT PAPANO, MAY MAIUUWI TAYONG ISDA.

TUMAHIMIK KA, CRISPIN!
HINDI MO NAIINTINDIHAN ANG SINASABI MO!

PERO 'TAY, HALOS LAHAT NG MGA KAPITBAHAY NATIN, GUMAGAMIT NG PAPUTOK. YUNG MGA NAKATIRA DYAN SA ITAAS, GUMAGAMIT NG LASON, AT MAY NAKUKUHA DIN SILA!

HINDI NAGIGING TAMA ANG MALING ASAL DAHIL GINAGAWA ITO NG KARAMIHAN. TANDAAN MO YAN, CRISPIN!





OY CRISPIN! MUKHA KA ATANG NAMATAYAN?



MINALAS NA NAMAN KAMI KAGABI, WALANG NAHULING ISDA.





NAPAKATIGAS KASI NG ULO NG TATAY MO. MAY MADALI NAMANG PARAAN NG PAGHULI NG ISDA, INAAYAWAN PA.



ILEGAL KASI.

AY NAKU. WALA NAMANG NANGHUHULI, ANO BA NAMAN ANG KINAKATAKUTAN NYO? ETO, MAY ISA PA AKONG DINAMITA, BAKA GUSTO MONG SUBUKAN.









NAY, GALIT HO BA SI ITAY SAAKIN? GUSTO KO LANG NAMANG MAKATULONG.

ALAM KO, ANAK PERO UNAWAIN MO SANA ANG TATAY MO.

PASENSYA NA KAYO INAY PERO HINDI KO TALAGA MAINTINDIHAN SI ITAY

PARANG MAS GUSTO PA NYANG MAGUTOM NA TAYONG TULUYAN...

HINDI SA GANUN, IHO MAKINIG KA... HALOS DALAWAMPUNG TAON NA ANG NAKAKARAAN. MADALI ANG PERA NOON. ISANG GABI, BENTE HANGGANG TRENTA KILO ANG HULING ISDA. APAT NA BESES SA ISANG LINGGO LANG PUMAPALAO ANG TATAY MO.

KASAMA ANG IYONG TIO LITO.

TIO LITO?



AH, HINDI MO NA SIYA MAALALA. SA TANTYA KO, MGA ISA O DALAWANG TAON KA LANG NOON. SI LITO AY BUNSONG KAPATID NG TATAY MO, AT MALAPIT NA MALAPIT SA KANYA. SIYA KASI HALOS ANG NAGPALAKI DITO, MATAPOS MAULILA SILA SA AMA AT INA.

MINSAN, PUMAPALAO SILA. KALIMITAN, APAT NA ORAS SILA SA LAOT



PERO SA PAGKAKATAONG YON... WALA PANG DALAWANG ORAS, NAKITAKONG BUMALIK ANG TATAY MO...

AT SI LITO... DUGUAN, WASAK ANG MUKHA...



PATAY.







CRISPIN, PAGPASENSYAHAN MO SANA AT NASIGAWAN KITA NOONG NAKARAANG ARAW.

NAUNAWAN KO PO, TAY. NAIPALIWANAG NA NI INAY. PAGPASENSYAHAN NYO RIN PO AT SINUWAY KO ANG PAYO NYO. HINDI KO HO ALAM ANG NANGYARI KAY TIO LITO.



ANG NANGYARI SA IYONG TIYUHIN AY ISA LAMANG SA MGA DAHILAN KUNG BAKIT INIWASAN KO ANG PAGGAMIT NG DINAMITA.

SA TAGAL NG PANAHON NA GUMAMIT AKO NG DINAMITA, NAWARI KONG PANSAMANTALA LANG ANG DULOT SAATIN NG PAGDIDINAMITA O PAGGAMIT NG LASON.



PANSAMANTALA LANG PO 'TAY?



HINDI MO BA NAPAPANSING KAHIT ANG MGA KAPITBAHAY NATING NAGDIDINAMITA O GUMAGAMIT NG LASON AY PAUNTI NA RIN ANG HULI?



DAHIL SA HIRAP NG HULI, GUMAMIT SILA NG DINAMITA AT LASON. PERO ANG HINDI NILA ALAM... MAS MALAKING PINSALA ANG NAGAGAWA NITO NGAYON AT SA KINABUKASAN NATING LAHAT



KAYA HALOS LAHAT NG ATING BAHURA AY WASAK NA!



DATI-RATI, MALAGO AT MAKAPAL ANG MGA BAHURA AT ANG PANGINGISDA AY MALAPIT LANG, 'DI KA NA LALAYO PA SA LAOT. NGAYON PALAYO NG PALAYO PARA MAKAHULI.

AYUN.. NANG DAHIL SA DINAMITAAT LASON
WASAK ANG MGA BAHURA, AT WALA NA RING ISDA!

PERO, PAG DI TAYO NAGDINAMITAAT LASON,
WALA TAYONG HULI KAHIT KONTING ISDA.
TINGNAN NYO PO TAYO, WALANG KAHULI-HULI!




AH CRISPIN. MADALING SABIHIN YAN. KAPIT SA PATALIM,
SABI NGA NG IBA. PERO, HANGGANG DITO NA LANG BA TAYO,
WALANG PAG-ASANG UMUNLAD? KUNG HINDI MAGBABAGO
ANG PANANAW NATIN, WALANG MANGYAYARI SA ATIN.

LALO LANG TAYONG MAMUMULUBI
AT MAGDIDILDIL SAASIN, SAMPU NG
ATING MGA KANA, NG ATING MGA
ANAK AT MGA ANAK PA NILA.
NAKITA MO NAMAN, PALALA NG
PALALA ANG SITWASYON NG
BUONG SAMBAYANAN NATIN.
PAHIRAP NANG PAHIRAP ANG BUHAY.

MAY ITATANONG PO PALA AKO SA INYO...
NAKITA KO PO KAYONG KAUSAP ANG
BANTAY DAGAT NG KABILANG MUNISIPYO...
ISINUMBONG NYO PO BA SI ELMO?

MAY DADALUHAN
AKONG PULONG
SA LUNES. SUMAMA
KA SA AKIN.



LUNES, SA ISANG PAGPUPULONG.
DUMALO SI CRISPIN AT ANG
KANYANG TATAY.




BAGO ANG
LAHAT, BATIIN
NATINANG
ATING MGA
MASIGASIG NA
BANTAY DAGAT.
DAHIL SA
KANILA, HINDI
NAG TAGUMPAY
ANG ISANG
DINAMITERO!

PALAKPAKAN NATIN SILA...



MAY TATLO TAYONG BAGONG KASAMA NA GUSTONG
TUMULONG SA PAGPAPATUPAD NG BATAS NG ATING MARINE
SANCTUARY. KUNG MAARI, PAG-USAPAN NYO SA LAW
ENFORCEMENT COMMITTEE KUNG ANO PAANG MGA
TUNGKULIN AT SCHEDULE NILA.



UNANATING
TALAKAYIN ANG
PAGBANTAY SA
ATING MARINE
SANCTUARY.





TAY, ANO PO ANG
MARINE SANCTUARY?

MAMAYA,
IPAPAKILALA KITA
KAY TATANG
LEONARDO.
SIYA ANG
MAGPAPALIWANAG
SA'YO.




O IHO, MAY
TANONG KA DAW?







HINDI BAWALANG MANGISDA
DITO, IHO, PWERA NA LANG KUNG
ILLEGAL NA PARAAN ANG GAGAMITIN
MO...

PERO SABI NILA...



AH, SIGURO ANG
TINUTUKOY
NILA AY ANG MARINE
SANCTUARY...





GUMAMIT KAMI
NG DINAMITA



NG LASON



AT ANO-ANO PANG PAMAMARAAN NG
PANGINGISDA, PARA DUMAMI LANG
ANG HULI NAMIN. UNAHAN LANG AT
BAKA MAKUHA PA NG MGA DAYONG
MANGINGISDA, TUMAAS ANG HULI
NAMIN, NGUNIT NANG MAGLAON,
MULING UMUNTI NANG UMUNTI.



SA KABUTIHANG-PALAD, MAY ISANG GURO
— DITO SA AMING BARANGAY MISMO—
ANG PILIT NA NAGMULAT SA
AMING MGA MATA.



IPINAKITA NIYA SA AMIN KUNG PAPAANO NAMIN SINISIRA
ANG KABAN NA PINAGMUMULAN NG AMING IKINABUBUHAY.
IPINALIWANAG NIYA SA AMIN KUNG GAANO KAHALAGA
ANG ATING MGA BAHURA, MGA BAKAWAN, KAHIT ANG
LUSAY, NA SA UNA'Y AKALA NAMIN AY
DAMO LANG AT WALANG HALAGA.

MARAMI SA AMIN ANG HINDI NANIWALA KAAGAD.



PERO, DALA NA RIN NG AMING PANGANGAILANGAN, NAISIP NAMIN, WALA NA RIN KAMING MAKUHA SA DAGAT, WALA NAMAN SIGURONG MAWAWALA SA AMIN KUNG SUSUBUKAN NAMIN ANG IMINUMUNGKABI NI MAESTRO. (MAESTRO ANG TAWAG NAMIN SA KANYA).




ITO ANG SABI SA AMIN NI MAESTRO, NABASA DAW NYA SA LIBRO: KAILANGAN MAGTALAGA KAMI NG LUGAR SA DAGAT NA MAGIGING SANTWARYO NG MGA ISDA.



ANG MARINE SANCTUARY AY ISANG PINILING LUGAR SA DAGAT KUNG SAAN IPINAG BAWAL ANG PAGKUHA O PAGGAMIT NG LIKAS YAMAN, LALO NA ANG PAGPANGISDA. ITINATAG ANG MGA ITO UPANG MABIGYAN ANG MGA ISDA AT IBA PANG YAMAN-DAGAT NG LIGTAS NA LUGAR AT PAGKAKATAONG LUMAKI AT MAGPARAMI NG KANILANG URI.



DAHIL IPINAGBAWAL ANG PANGINGISDA SA LOOB NG MARINE SANCTUARY, NAPIPIGIL ANG MABILIS NA PAGKAUBOS NG MGA ISDA AT BUMABALIK DIN ANG KALUSUGAN NG KANILANG MGA TIRAHAN KATULAD NG MGA BAHURA.



SA UNA IILAN LANG KAMI, AKO, AT TATLONG KUMPARE. PARA SAAKIN, EKSPERIMENTO LANG, ISANG TAON, KAPAG WALANG NANGYARI, BALIK SA DATING GAWI.



PERO, NAGULAT AKO, MAKARAAN ANG ILANG BUWAN, DUMAMI ANG ISDA SA SANTWARYO, MATAPOS ANG ISANG TAON, PATI SA LABAS NG SANTWARYO, DAHAN-DAHANG BUMALIK ANG MGA ISDA.



PATI KAMI DIN, UNTI UNTING DUMADAMI, MULA SA APAT, NAGING SAMPU KAMING NAGBABANTAY SA SANTWARYO, NAGING BENTE, AT NGAYON BUONG BAYAN NA, KASAMA PA ANG LOKAL NA PAMAHALAAN.




MANIWALA KAO HINDI, HINDI NA KAMI NAGDIDINAMITA. HOOK AND LINE O BUBO LANG, PERO MAS MARAMI AT MAS MAGANDANG KLASE ANG HULI NAMING ISDA NGAYON.



PAGBALIK NINA CRISPIN AT MANG CRESPO SA KANILANG BAYAN...

GUSTO KO SANANG IBAHAGI SAATING MGA KAPITBAHAY ANG NATUTUHAN NATIN KINA TATANG LEONARDO.

MAGANDANG IDEYA YAN, IHO. BAKIT HINDI MO GAWIN?




SINO NAMANG MANINIWALA SA AKIN? SASABIHIN NILA, MAS MALAWAK ANG KARANASAN NILA SA DAGAT KAYSA SA AKIN.

SANA NAMAN MAKINIG SILA.

SANA PO. ITAY. SANA PO...

TUTULONG AKO, ANAK, KAHIT PAPAANO, PAKIKINGGAN NILA AKO. MARAMI NA RIN KAMING PINAGSAMAHAN.

SA PALAGAY KO PANAHON NA. KATULAD NINA TATANG LEONARDO. WALA NA TAYONG IBA PANG MAGAGAWA, ISANG MALAKING PANGANGAILANGAN ITO, ANG MATUTO TAYONG MANGALAGA SA ATING KARAGATAN, PARA SA ATING SARILING KAPAKANAN.



WAKAS

Ang Santwaryong-Dagat (Marine Sanctuary)

Paraan ng pagpanumbalik-sigla sa ating karagatan



Ang santwaryong-dagat o *marine sanctuary* ay isang lugar sa dagat kung saan ipinagbawal ang pangingsda o paggamit ng likas yaman sa dagat. Itinatag ang mga ito upang mabigyan ang mga isda at iba pang yamang-dagat ng ligtas na lugar at ng sapat na panahon para dumami at umaabot sa tamang laki upang makapangitlog o magsanay ng kanilang uri.

Mahalaga sa ikatatagumpay ng santwaryong-dagat ang direktang pangangasiwa nito ng lokal na pamahalaan at ng samahang komunidad na magkakasama at magtutulungan sa pagplano, pagdesisyon at pagpatupad ng mga batas ng santwaryong-dagat.


Mga benepisyong makuha sa santwaryong-dagat:

- ◆ Napipigil ang mabilis na pagka-ubos ng mga isda at nabibigyan ng pagkakataon ang mga yamang dagat na magparami nang may laya.
- ◆ Napoproteksyunan ang mga tirahan ng mga isda at iba pang likas yaman ng dagat katulad ng bahura o *coral reef* at mga damong dagat o *seagrass beds*.
- ◆ Makakatulong sa pagpabuti ng huli at kita ng mga mangingisda dahil napapanatiling malago at produktibo ang yamang dagat sa loob at labas ng santwaryo.

Mga kailangang gawin para maabot ang likas-kayang pangangasiwa ng santwaryo:

- ◆ Pagpapalakas ng mga organisasyon o *community strengthening*
- ◆ Patuloy na edukasyon at pagsasanay ng pamayanan ukol sa pangangalaga at pagbibigay proteksyon sa santwaryong-dagat
- ◆ Pagbigay ng suporta mula sa sistemang pampolitika o *local leadership*
- ◆ Pagbigay ng *regular operating budget* sa pangangasiwa ng santwaryo
- ◆ Pagpapatupad ng mga batas ng santwaryong-dagat

DISPERSAL OF FISH AND LARVAE FROM A MARINE SANCTUARY



Kritikal na ang lagay ng ating mga bahura at yamang-dagat, at napapanahon nang ibalik natin ito sa ayos. Ang pagpapatayo ng santuwaryong-dagat ay napatunayan nang isang mabisang estratehiya sa pagpanumbalik ng kaayusan at kalusugan ng ating karagatan.